

**■ CONVIVENZA**

# Insider ed outsider il medem mument

DA BETTINA CADOTSCH\*

**I**l settember è adina in mais spezial per nossa famiglia. Mes confamigliars van numnadamain tuts a chatscha. Quai vul dir mes bab, mia mamma, mes dus frars e mia sora. La fevra da chatscha è damai gronda en la chasa dals Cadotschs. Jau mezza na vom betg a chatscha, jau persequitesch dentant cun grond interess tge che mia famiglia fa durant quellas trais emnas. Per chatschaders èn quai dal reminent las trais pli bellas emnas da l'onn.

**A**mai pari ch'il settember na saja betg mo per mia famiglia in mais spezial, mabain per l'entira val. Tuts enonuschan almain insatgi che va a chatscha, e quai maina ad ina tensiun davent da Salouf fin a Beiva. En las ustarias e sin via entaup'ins gliעד che discorra davart la chatscha. Per WhatsApp, Snapchat e co. vegnan tramess ina massa fotografias e salids. La chatscha vegn vivida e tematisada – e quai betg mo dals chatschaders. Jau stoss dentant anc agiuntar quai che questa tensiun sa reducescha enorm pli datiers ch'ins vegn dals lieus urbans. Là n'enonuschan betg tuts in chatschader e betg tuts pon cumenzar in satge cun la chatscha.

**E**navos tar mia famiglia. Il settember era per



mai gia d'uffant in mais spezial. I n'era tuttavia betg in sco mintg'auter. Era perquai che nus uffants vegnivan mintgamai repartids tar enonuschents, madritschas e padrins. Cura che tuts trais eran deponids cun la rauba da scola e la vestgadira avevi num da dir adia e giavischar «en bucca d'luf». Durant las fins d'emna gievan era nus si en la tegia ed accumpagnavan noss geniturs e noss frar pli vegl. Uschia avain nus adina survegni blera invista en la chatscha, avain vivì ella en famiglia ed emprendì ina massa davart la natira.

**O**z, passa diesch onns pli tard, van mia sora e mes frar giuven er a chatscha. La fevra ha era tschiffa els. E natiralmain stoss jau adina puspè responder a la dumonda pertge che jau na sun betg chatschadra. Jau, l'exota. In motiv explicit na datti atgnamain betg. Jau sun enorm gugent en la natira ed accumpagn

mes confamigliars anc adina tranteren. Ultra da quai mangel jau zunt gugent selvadi e stim enorm la qualitad da la charn. Per mai na datti nagut meglier ch'in bun toc selvadi, in pèr bizochels e verdura. Ma insaco manca tar mai ina davosa sbrinzla d'entusiassem per far l'examen ed ir mezza a chatscha. Ed i dovra – quai stoss jau er adina menziunar – la finala anc gliעד che cuschina e fa pettas per ils chatschaders, e quai è savens mia incumbensa.

**Q**uesta decisiun da betg ir a chatscha ha dentant era già consequenzas per mai. Jau sun daventada in outsider, schebain che jau sun stada mia entira uffanza in insider. Jau era adina dapertut da la partida ed al current e saveva adina exact tuttina bler sco mes fragliuns. En il fratemp han ils chatschaders in agen chat sin WhatsApp, uschia che jau na vegn betg pli a savair tut. Jau, l'exota. Ma uschè ditg ch'jau survegn anc las fotografias da las predas sun jau atgnamain cuntenta. Ed era sch'jau na vom mezza betg a chatscha: durant il settember sun jau anc adina in pau gnervusa e patesch cun mia famiglia, precis sco avant diesch onns.

**\* Bettina Cadotsch è creschida si a Savognin. Ella studegia Multimedia Production a la Scuola auta spezializada dal Grischun a Cuir e lavura tar Radio Südostschweiz e «suedostschweiz.ch».**